

أيام في الجنة .. " حج مع رسول الله ﷺ " .. الحلقة (51) ..

#راجع_لك_يا_رب .. د . حازم شومان

حازم شومان

السلام عليكم ورحمة الله وبركاته الحمد لله وكفى صلاة وسلاما على عباده الذين اصطفى. اللهم لك الحمد كله ولك الملك كله. وبيدك الخير كله واليك يرجع الامر كله لبيك يا ربنا وسعديك والخير كله في يدك. والشر ليس اليك. انا بك واليك تباركت وتعاليت. استغفرك واتوب اليك - 00:00:00

اللهم صل على حبيب قلوبنا محمد صلى الله عليه وسلم. في الاولين والآخرين والملا الأعلى الى يوم الدين. ثم اما بعد الحاج عثمان الحاج عثمان واحد. عاش في الخمسينات. يعني عاش من سنين طويلة قوي. كان راجل فقير جدا. ممكن مش لاقى ياكل. كان مشتاق لبيت الله الحرام باي طريق - 00:00:24

كان هيموت عشان يشوف الكعبة ويطوف حوالها ويشرب من زمزم ويلمس الحجر الاسود. الحاج عثمان كان يشاركه في الرغبة ديت. اربعة من اخوانه واربعة من اصحابه اللي مش لاقين ياكلوا هم كمان. كان نفسهم يشوفوا بيت الله الحرام باي طريقة. الحاج عثمان هو واخوانه. ما كانوا يا جماعة من السعودية ولا كانوا. كانوا من زامبيا من بلد - 00:00:44

مازامبيا من افريقيا. وقرروا ان هم يروحوا باي تمن. طب هيروحوا ازاى؟ وهيجيبوا نفقة منين؟ وهيركبوا ايه؟ قرروا ان هم يروحوا مشي على رجليهم وكل ما بلد تقفوا فيها يشتغلوا فيها بحيس ان هم يجيبوا نفقات سيرهم واكلهم وشربهم للبلد اللي بعدها. في خلال ثلاث سنين ونص - 00:01:04

كانت الرحلة ديت انتهت ثلاث سنين ونص عشان يوصلوا لبيت الله الحرام. اثناء الرحلة وهم في الطريق ثلاثة منهم ماتوا. واحد مات بضربة شمس اساء السير واحد مات بلدغة حية الحاج عثمان نفسه هو كمان لدغته حية ولكن ربنا نجاه. على ما وصلوا الى البحر الاحمر وعدوه للناحية الثانية - 00:01:24

اتنين ثلاثة منهم ماتوا. لما وصلوا عند ميناء جدة او عند المكان بتاع جدة او عند بحر جدة. اللي هو الناحية بتاعة السعودية كان الرابع بيلفظ انفاسه ويحتضر وهو بيقول للحج عثمان بلغ ربي عني التحية واخبره اني مت مشتاقا الى بيته ويموت الرابع ويكمل الحاج عثمان - 00:01:44

احنا لوحده بعد ثلاث سنين ونص سر الى الله سبحانه وتعالى لغاية ما وصل الى بيت الله الحرام ويحكي هذه القصة. ياه يا فيه ناس مشتاقة لربنا للدرجة ديت ؟ فيه ناس مشتاقة لبيت الله الحرام لهذه الدرجة؟ فيه ناس الشوق ملا قلوبها لهذه الدرجة عشان توصل لربنا وعشان ترضي ربنا - 00:02:04

سبحانه وتعالى. يعني معقولة انسان قلبه اتملى هذا الشوق لبيت الله الحرام. لما الواحد يفتكر يسأل نفسه ليه؟ ليه؟ منزر مطار جدة. والطيارات جاية من كل كل العالم تقرا الاسماء اللي على الطيارات من كل دول العالم. منزر بناء جدة والسفن جاية من كل دول العالم ليه؟ واسد في الناس بالحج يأتوك رجالا. القصة - 00:02:24

اللي فاتت دي تصديق لهذا القول من الله سبحانه وتعالى يأتوك رجالا على رجليهم وكلمة رجال من الرجل برضه ممكن يبقى لها معنى ثاني. ان الرجل عشان تمشي لازم تكون حرة من القيود. فالانسان اللي يقدر يقطع لربنا المسافة دي لازم ما يكونش في رجل القيود.

لازم يكون مكسر كل قيود. محطم كل القيود. اللي بينه وبين - 00:02:44

ربنا سبحانه وتعالى اسأل نفسك ليه ؟ ليه ما انتش مشتاق زيهما ؟ ليه ما انتش مشتاق زيهما انك تروحي لبيت الله الحرام ؟ ليه ؟

ممكن رغم انك انت معك المال او مش معك المال - 00:03:04

هو احنا لما رحنا انا كل اللي هناك كان معهم فلوس! بل اكثر اللي هناك كانوا اصلا. سبحان الله العظيم! منهم اللي ما كانش معه فلوس

يركب مواصلات اصلا. داخلية جوة البلد الواسع - 00:03:14

وربنا جابه. ربنا لما اراده جابه. لو ربنا ارادك هيوديك. لو ربنا ارادك هيوديك هناك ومش هيحرمك. لو ربنا ارادك سبحانه وتعالى سيدنا

ابراهيم واذ يرفع ابراهيم واذ يرفع ابراهيم القواعد. واذ يرفع ابراهيم القواعد من البيت واسماعيل. لما ربنا رفع لما ابراهيم رفع لربنا

القواعد - 00:03:24

ربنا رفعه للبيت المعمور في السماء السابعة. لو ربنا اراد انه يرفعك هيوديك. لو اراد انه يرفعك هيوديك. لو اراد انه يقيمك. جعلك الله

الكريم كعبة البيت الحرام قياما. لو راضي نقومك بقى يفوقك بقى هيوديكيه البيت الحرام. ليه يا جماعة؟ ليه الناس اشتقت واحنا ما

اشتقناش؟ ليه الناس - 00:03:45

راحت واحنا ما رحناش لغاية دلوقتي. افتركر لما مصعب ابن عمير وقف في غزوة احد مسك الراية بيمينه اتقطعت. مسكها بشماله ما

بصش على ايده ما جراش ما هربش ما بصش للنزيف اللي يقين المتدفق من ايديه. مسكها بالشمال اتقطعت. ما قالش ايديه الاتنين

اتقطعت. مسكها ما بين رقبتة وسدره لغاية ما اتقتل. بعد كذا سنة وقف - 00:04:05

جعفر ابن ابي طالب في مؤتة مسك الراية بيمينه اتقطعت ما بصش لاديه ولا للدم اللي ناسف منها مسكها بشماله برضو. اتقطعت

برضه مسكها من رقبتة وبين صدره لغاية ما - 00:04:25

قتل ما سألتش نفسك ليه نفس الموقف اتعمل؟ ليه الاتنين عملوا نفس الموقف رغم ان الرسول ما قلهمش اعملوا كده؟ لانهم نفس

الهم نفس الشوق للجنة نفس القلب لو قلبك شبه قلوبهم هتعمل زيهما. لو قلبك شبه قلوب اللي راحوا على رجليهم لبيت الله الحرام

هتعمل زيهما. لو جه في قلبك اللي جه في - 00:04:35

هتعمل زيهما ما سألتوش نفسك لما ابو دجانة رمى نفسه من على باب الحصن عشان يتفتح واتقتل ومات شهيد على باب الحصن.

بعدها البراء بن مالك برضو رمى نفسه من على باب الحصن واتقتل - 00:04:55

شهيد. بعدها واحد صحابي في فتح مصر رمى نفسه من على باب الحصن. ليه؟ مين القلوب يعملوا كده؟ وهم كانوا متفقين على

كده؟ وحد منهم كان عارف ان الثاني عمل كده لا - 00:05:08

ده هو لما القلب اتشابه الفعل تشابه. هم عارفين ان لا يمكن حد هيدخل في رحمة ربنا ورا الباب ده. بازن الله الا لو الباب ده اتكسر.

يبقى الباب ده لازم يتكسر - 00:05:18

لازم يتكسر به دمي. لازم يتكسر برقبتى. لازم يتكسر باي شىء. الباب ده لازم يتشال. لما كلهم كانوا نفس الهم عملوا نفس الفعل. لو

احنا قلوبنا اشتاقت لبيت الله الحرام والله ربنا هيودينا. ربنا هيحملنا هو الذي يسيركم. مش الطيارات. هو الذي يسيركم مش

التأثيرات والجوازات. هو الذي - 00:05:28

يسيركم مش السفن والعربيات. هو الذي يسيركم لو اراد هيوصلنا. بس لو اشتاقت قلوبنا فعلا. جايين من رحلة من اعظم ده اعظم

رحلة ممكن تبقى على وجه الدنيا كلها. جايين من اروع وامتع واعظم واجمل رحلة على وجه الارض. جاي اكلمكم على رحلة طوفان

المشاعر اللي احنا كنا فيها اخواني - 00:05:48

جه يشوقكم وجاي يدعوكم. بس انا جاي ادعوكم الوقتي ليه ؟ انا جاي ادعوكم لعمره رمضان بقى يا جماعة. رمضان اللي بينا وبينه

خمس اسابيع. اللي يدوبك عما تقدم التأشيرة - 00:06:08

اما تيجي وتجهز نفسك يكون جه. جاي يدعوكم. لو الوقت قالوا لك الرسول عليه الصلاة والسلام الرسول رجع ثاني مكة. الرسول رجع

ثاني مكة. رسول الله صلى وسلم. تخيلوا كم البكاء والطيارات والحجز عليها والحجز على العمرة والحجز على الذهاب باي طريقة.

طب الرسول عليه الصلاة والسلام قال لك دي فرصة - 00:06:18

لسة مفتوحة قدامك. حج عمرة في رمضان كحجة معي. اهو الكلمة اللي احنا نقف عندها كلمة معي رسول الله فرصة يا اللي كان نفسك انك تشهد الغزوات مع رسول الله وجيت بعد ما الرسول مات عليه الصلاة والسلام. يا اللي كان نفسك انك انت انك انت تاخدي مكان وضوءك - [00:06:38](#)

النبي عليه الصلاة والسلام عشان تبقي خدت حاجة مست جسم النبي عليه الصلاة والسلام وما لحقتيش النبي. يا اللي كان نفسك تشوفوه وتصحبوه. فرصة لصحابة رسول الله صلى الله عليه وسلم لا زالت مفتوحة كحجة معي. سيدنا عمر كان بيقول يا ليتني كنت شعرة في جنب ابي بكر. يا - [00:06:58](#)

كت شعرة كده ليه؟ لانه كان مع الرسول في الغار لوحدهم كان معه معي كلمة معي دي تساوي عندك ايه؟ تساوي عندك ايه الشوق اللي في قلوبنا للذهاب هناك في رمضان عشان ننال سواب. صحبة رسول الله وان لم نره. قد ايه؟ قد ايه يا جماعة محتاجين الثواب ده؟ وانا في المطار - [00:07:18](#)

من اول ما الواحد بيدخل بيبعد عن بلده طوفان المشاعر بيتفجر يا جماعة. من اول ما بدأت العمران بيبعد. ونقرب من المطار. تبدأ تحس بمشاعر غريبة. تبدأ تحس انك مسافر بس من السفر دنيا ده نفس المراحل سفر الاخرة يا جماعة. ده نفس مراحل سفر الاخرة. مش الوقتي. مش انا باقول لكم ايام في الجنة. عشنا هناك ايام في الجنة - [00:07:37](#)

انا جاي اكلمكم عن ايام الجنة قبل الجنة دي في سفر للاخرة. طيب وانت داخل المطار اول حاجة بتتطلب منك ايه؟ كل حاجة حصلت معنا في المطار لقيتها زي الدار الاخرة. كل - [00:07:57](#)

حاجة قابلتنا في المطار لقيتها نسخة من الدار الاخرة. بالزبط اول ما دخلنا جوازك ده اول حاجة اللي مش هتدخل اصلا من غيره. جوازك الجواز ده هو اللي بناء عليه هتدخل يا اما - [00:08:07](#)

دخلت المطار بالجواز طب التأشيرة بقى يفتح ويتأكد ان فيه تأشيرة. طب تأكدنا ان فيه تأشيرة نشوف بقى. مطلوب للتجنيد ولا هارب من التجنيد؟ بعد كده الامتعة بتاعتك تعدي في جهاز لو فيها اي ممنوعات الجهاز يصفر. وفيه ممنوعات ممكن تجيب اعدام. وفيه ممنوعات تخيلوا يا جماعة - [00:08:17](#)

كل حركة حصلت لنا في المطار افتكرت بها الدار الاخرة. تخيل انت اول ما تموت وتنزل تحت الاب جوازك ايه الجواز ده! ايه الجواز اللي من غيره مش هتعتدي للاخرة! الجواز اللي من غيره - [00:08:35](#)

ما كنتش هتعتدي للجنة. ايه؟ عقيدتك. ده الجواز بتاعك. ده اللي هيحيزك. ده اللي هيعدكي عقيدتك من ربك؟ وما دينك؟ ومن نبيك؟ ده اول سؤال. عقيدتك شكلها ايه؟ يقينك شكله ايه؟ من ربك؟ الله كنت مشتاقة له ولا لا؟ من نبيك محمد صلى الله عليه وسلم كنت بتحبيه ولا لا؟ مشاعرك لما وقفت قدام - [00:08:45](#)

مبروك في المسجد النبوي كانت ايه؟ يا ترى وانت واقفة قدامه وانت واقفة في اقرب مكان هتوصلي فيه للنبي في الدنيا وانت واقفة قدام قبره في المسجد النبوي؟ يا ترى - [00:09:05](#)

قريبة منه في الاخرة زي كده ولا لا؟ يا ترى يا جماعة فيه ناس بتقف قدام قبر النبي بينها وبينه خمسة متر وبينها وبين قلب النبي الف سنة. يا ترى - [00:09:15](#)

قلبك فين من قلبه؟ والشوق اللي في قلبك قد ايه لربنا سبحانه وتعالى رحلة الجواز بتاعك جوازك ده اول حاجة بعد كده التأشيرة ايه التأشيرة دي؟ تعرفوا يا جماعة ان ما فيش حد بيدخل الجنة من غير تأشيرة؟ ازاى؟ البطاقة في بطاقة بيبقى مكتوب فيها - [00:09:25](#)

وده ورد بها اثار كثيرة بل وردت في احد الروايات الاحاديث. ان تدخل الجنة ولا لا وتدخل من انهي باب ولو هتدخل من كسبات ابواب ايه؟ سيدنا ابن عمر الرؤيا - [00:09:40](#)

اللي شافها لما اخذته الملائكة على حافة بئر عميقة وفيها نار ملتهبة. وقالوا له لم ترى. الرؤيا المشهورة لابن عمر. في رواية ثانية رأيته ان في يدي بطاقة واني في الجنة وكلما اشرت الى مكان في الجنة طارت بي البطاقة. معك بطاقة بتقول انك انت تتمتع باي نعيم -

فكل ما تحب تروح اي مكان في اي جنة من الجنات تطير بهذه البطاقة. التأشيرة معك ولا لا؟ تأشيرتك تخيل لما تتسأل يوم القيامة. تأشيرتك فين؟ تأشيرتي انت هارب من التجنيد ولا ايه ؟ انا ايوة الجندية لدين الله. ده انا كنت مؤدي الخدمة العسكرية لأ الجندية لدين ربنا. كان دين ربنا بيتحارب وانت كنت جندي من جنوده ولا لأ - [00:10:10](#)

بعد كده تخيل وانت امتعتك بتعدي من على الجهاز. الجهاز بتاع كشف الممنوعات في الدنيا. فيه جهاز صحيفتك بتعدي عليه لكشف الزنوب في الآخرة. تخيل كده لو جه وصفر على زنوب شكلها ايه. تخيل ربعك وقلقك وتوترك وندمك شكلها هيبقى ساعته ايه ؟ شكلها ايه ؟ تخيل لو عدت اول ما تعدي تدخل على الكافيتريا بتاعة - [00:10:30](#)

اللي كان بنص جنيه برة بعشرة جنيه جوة. واللي كان باتنين جنيه برة بتلاتين جنيه جوة. واللي كان بخمسة جنيه برة بخمسين جنيه جوة. تخيلوا يا جماعة احساسك يوم يا ابا وانت شايف واحد النبي بيمد له ايده وبيسقيه بايده عليه الصلاة والسلام شربة مية وانت هتموت يا ريتني كنت دفعت تمنها كان تمنها في الدنيا - [00:10:50](#)

يا ريتني كنت دفعت تمنها. وانت واقف في حر القيامة. والناس في ناس مظلة بسبب صداقتها. في ظل عرش الله. يا ريتني كنت اتصدقت ده انا ياه لما كسبت فلوس وصرفتها في الفاضي. يا ريتني وانت شايف ناس بسبب القرآن بيزلهم يوم القيامة. يا ريتني كنت اهتميت بالقرآن. يا ريتني يا ريتني - [00:11:10](#)

دي يا ريتني اللي كان في الدنيا بسيط الوقت بقى غالي قوي. بقى ما حدش يعرف يجيبه. وبعد كده اول ما تدخل المسجد بتاع المطار انت والفوج بتاعك انت عايز حد بس يستناك. يستناك عشان بس ايه تصلي معه من اول الصلاة وما فيش حد بيستنى حد. اما دخلت مسجد المطار ما حدش راضي يستنى حد عشان تكبيرة الاحرام. قلت - [00:11:30](#)

الله. اذا كان ما حدش راضي يستنى حد في الدنيا. امال يوم القيامة مين اللي هيستنى مين ؟ حد هيستنى حد يوم القيامة حدش هيستناك. بعد كده لما تيجي تدخل - [00:11:50](#)

طيارة تلاقي اماكن من كبار الزوار واماكن للناس العادية. الكبار دول في المطار بيورهم انواع الاكل واصنافه. ويختاروا بنفسهم الانواع اللي هم عايزين ياكلوها في الطائرة. التانيين ممكن يجيبوا لهم اي حاجة. تخيلوا يا جماعة يوم القيامة. الطائرة ديت رايحة الفردوس الاعلى. والطيارة ديت رايحة لعدل. والطيارة ديت رايحة - [00:12:00](#)

اصحاب اليمين والطيارة انت هتركب في انهي طيارة؟ كل واحد على قد تزكرته على قد فلوسه. واحنا راجعين ومستنيين الشنط والطيارة كلها واقفة مستنية الشنط. وكل واحد مستني اللي هو عباه واللي حصله. يا ترى الحسنات هتيجي ولا ضاعت؟ ضاعت بسبب سيئات ضيعتها. يا ترى شنط الحسنات جاية ولا ضاعت بسبب اعمال - [00:12:20](#)

يا ترى شنط الحسنات جاية ولا ضاعت بسبب مظالم للعباد؟ اخذتها يا ترى شنط الحسنات جاية ؟ ولا ضاعت بسبب رياء نسفها يا ترى شنط الحسنات جاية ولا ضاعت بسبب من على الله ضيعها يا ترى يا ترى حسناتك جاية ولا مش جاية المطار رحلة السفر - [00:12:40](#) احنا استعدادنا لسفر الدنيا بالجواز والتأشيرة ونشاد الجيش والامتناع اللي ما فيش فيها انت عدت سفر الدنيا بكل حاجة. طب سفر الآخرة استعدادني ليه ولا لأ سفر الآخرة استعدادنا له قد ايه ؟ انا عايز اكلكمم النهاردة يا جماعة عن امتع رحلة ممكن توجد على وجه الارض. عايز اكلكمم عن ايام من الجنة لو واحد دخل الجنة - [00:13:00](#)

جه و جه يكلمني عن الجنة كان فيه شغل فاكهون بقى. كان مشغول باصناف نعيم ما لقاش حصر. فجاي يتكلم هيتكلم عن ايه وهيسيب ايه وهيقول ايه وهيوصف مشاعره ازاوي وهو بيتمتع ؟ دلوقتي انا جاي اكلكمم عن مشاعر. اتعاشت في مكة والمدينة.

اتعاشت في بيت الله الحرام. اتعاشت - [00:13:20](#)

وجاي اقول لكم قدامكم فرصة تعيشوها. يلا اطلعوا يلا قوموا. قوموا لربنا سبحانه وتعالى. قوموا يا جماعة. ده الحجاج والعمار وفد الله استمتعوا اول متعة موت متعة انك ضيف عند ربنا. متعة انك حاسس انك ضيف عند ربنا. وفد الله. لما ييجي وفد رؤساء الدول في قمة - [00:13:40](#)

عربية في الدولة اللي مستضيفاهم بيأمنوا الطريق قد ايه بيعملوا ايه في اللي يحاول يعتدي عليهم بيأمنوا لهم اكلهم وشربهم بيريحوهم قد ايه بيجيبوا لهم مطالبهم قد ايه. انت وفد من وفد الرحمن. انت رأيت رايحة ضيف عند ربنا. انت رايح نزيل -

00:14:00

في هذا المكان في المستشفى الدولية داهية اللي بيشفى فيها اي مرض من امراض القلوب او الحوائج باذن الله. دي اول متعة يا جماعة احنا جايين من الجنة وجاي نكلمكم بقى بعد ما كنا في شغل فاكهون. نعمل ايه؟ نجري على الحجر الاسود ولا ولا نقعد ولا ولا

00:14:20 نستلم الركن اليماني ولا -

ولا نقرا قرآن ولا نصلي. واحد صاحبي بيقول الحرف ابو مية الف ده كان مش هالين على الواحد ده خالص. الحرف ابو مية الف ده

00:14:40 والصلاة ام ميت الف دي -

ولا نروح المدينة نقف نقف في الصف الاول مكان رجلينا ابو بكر وعمر ولا في الروضة نقضي الليلة في الجنة ولا نعمل ايه ولا ايه؟ انا جاي اكلكم الناس كانت في الجنة وجاية تكلمكم. بعد ما كانوا في اشغال الجنة في شغل الفاكهون. يا ترى هنبداً بايه ولا ايه؟ من

00:14:50 اصناف النعيم. بس انا عايز اقول لك حاجة اوعي -

اوعي تأجل اوعي تتردد. انا عايزك انا بكمكم على حاجة عن عمرة رمضان اللي هي حجة مع رسول الله وعن اي عمرة في اي وقت. تخيلي حجي رسول الله بيع حنة ذهب وحج مع رسول الله. صلى الله عليه وسلم. قم يا عم هتكمل الحلقة هتعمل ايه؟ كفاية كحجة

00:15:10 معي. قم يا عم شف لك اي -

السكة توصل بقى بيت الله الحرام. يا عم اعمل اي حاجة وحج مع رسول الله. صلى الله عليه وسلم. تيجي يوم القيامة تلاقي نفسك

00:15:30 وسط مصعب ومعاذ وابو بكر وعمر -

ليه؟ لاني انت كنت صحابي. صحابي ازاي؟ انت خدت سواب الصحبة ما اعتمرت في رمضان. كحجة معي. معي. هنعمل ايه يا جماعة قبل البرنامج بدقايق كانوا عارضين عارضين مشهد واحد معدي واحد كبير كده وفيه كلب كده في الصحرا نزل الراجل وملى

00:15:40 الخوف في مشهد مستوحى منه. من حديث بصيت في -

كده في الشاشة والكلب بيسييه والله يا جماعة. والله الواحد ما قدر يمسك نفسه يا جماعة. قلت يا ربي يا رب الواحد ممكن يكون

00:16:02 يعني مجتهد في الدعوة او بيحاول يعمل حاجة في الدعوة -

وممكن الراجل ده يبقى ربنا يتقبل منه عني. ما تعرفش ايه اللي هيقل. ما تعرفش ايه اللي هيقل. ممكن عمرة رمضان دي تبقى

00:16:12 اخطر حاجة في ميزانك. ما تعرفش. بس -

حاجة اتفتحت قدامك. يا جماعة الاهلي التسويف كفاية تسويف بقى. احد اخوانا كان معنا هناك في العمرة وهو بياكل بياكل اكل

00:16:22 لحمه ورز مايا فجأة وقفت في زوره بلعها في وقفت في في البلعوم ده اهو. وقفت فيه. كان بيموت بدأ بدأ ينزل دم -

يعني كانه بيرجع دم. فبدأ خلاص قال انا هو خلاص كله ايقن ان هو ميت. فبدأ يقول انا مش عارف اعمل ايه. بيحكى لنا بعدها. انا انا

00:16:41 طب اوصي اقول -

ولا اقعد اذكر ربنا؟ انا عايز عايز يلحق كل حاجة فاتته هيلحق ازاي؟ هيلحق ازاي في الوقت ده؟ اوعي تأجل اوعي تسوي في

00:16:51 حسنات تندم بكرة حنة عضماية اربعة سنتي وقفت بسببها عملوا له عمليتين منازر -

اخوات في المستشفى هناك يوم ونص ساب حنة عضماية اربعة سنتي بس. يعني ايه؟ افكرت قول الله سبحانه وتعالى وطعاما ذا

00:17:06 غصة. اللي مش هيلاقوا عمليات تتعمل لهم عشان تنزل -

الي مش هيلاقوا منازلير حديسة تنزلها. اللي مش هيلاقوا مستشفيات تستضيفهم. لغاية ما يروقوا. هنعمل ايه يومئها. هنعمل ايه قدام

ده؟ هنستندم ننز نفسنا من عذاب داهوب ايه؟ حمرة في رمضان كحجة معي. هتجيب السواب ده منين طول السنة؟ هتجيب كلمة

00:17:16 معي دي في ايه؟ -

تاني ايه اللي انت قريته فيه كلمة معي تانية؟ ايه الفضل اللي انت هتجيب به السواب ده تاني؟ فوقوا يا جماعة فوقوا شيلوا غشاوة

الفلس كده من على عينيكم - 00:17:36

شيلوا غشاوة المشاغل وهاعمل ايه اي حاجة تتعمل. اي حاجة رح له هناك هو يعمل لك اي شيء. عايزين نعرف ايه المتع اللي هناك؟ من اول المتع متعة ثواب متعة انك انت مش بتتعامل بها في مكة بعشر حسنات عشر اضعاف ومية وسبعمية ميت الف. الصلاة بميت الف. 00:17:46

الجنابة بميت الف. جلسة الضحى بميت الف. حرف القرآن بميت الف حرف. تخيلوا يا جماعة! تخيلوا! الواحد كان بيتخيل كده يعني اعلى من ليلة القدر في المضاعفة الواحد دخل الحرم قال يعني انا دلوقتي في ليلة قدر - 00:18:06
بس ليلة القدر لما الفجر بيطلع غصب عنك بتنتهي. ليلة القدر اللي هناك انت اللي بتنتهيها بنفسك لما بتخرج. طب مين اللي يخرج ويسيب المكان ده؟ اي تاجر ملياردير يقول لك - 00:18:19

حياتي ثلاث اربع قفزات. هم اللي طلعونني. الثلاث اربع قفزات دول ممكن يبقوا ثلاث اربع مرات في رمضان. يا جماعة عايزين نقوم بقى الجو في رمضان في الحرم لا يوصف لا من من شدة الروحانية ياما ناس اتغيرت واتقلبت في عمرة انا عايزك تعيش المتعة متعة متعة الثواب متعة الحسنات - 00:18:29

اي حد ربنا بيسيبه يركع. مش اي حد بيسجد. مش اي حد بيتفتح له باب باب بيته الحرام. مش اي حد بيطوف دا اصطفاا واختيار يا جماعة. متعة ان اختارك وانت بتطوفي كده عارفة ان ملايين كانوا عايزين ييجوا. بس انت اللي جابك. متعة ان ربنا اختارك. يا ترى كم ايدي اترفعت - 00:18:49

هناك في الحرم من يوم ما سيدنا ابراهيم اذن في الناس. ليوم القيامة كم ايدي اترفعت ونزلت باجابة دعاء. يا ترى كم هم فرجي هناك؟ يا ترى كم مرة تشرب زمزم هناك واجبت الدعوات؟ يا ترى كم واحد فتح عليه هناك؟ يا ترى كم فتح نزل من الله؟ على الناس اللي هناك وعلى الدعاء اللي - 00:19:09

يا ترى يا جماعة؟ يا ترى مين اللي يضيع الفضل اللي هناك ده؟ متعة ان ربنا اصطفاك. ان ربنا اختارك انت انك دعيت دعوة هنا ربنا اراد انه يستجيبها منك - 00:19:29

وداك انك كنت هنا ممكن معكش فلس ولكن وداك عشان يفتح عليك ويفتح على قلبك. متعة التغيير. متعة انك تتغيري. متعة انك انسان تاني العمرة اللي فاتت فضلوا منة الله. بنات لبسوا نقاب نساء لبسوا نقاب. شباب التزموا بفضل الله. احد الشباب بيقول بيقول انا انا دي احسن حاجة حصلت لي في حياتي. بس - 00:19:39

يعني مش عايز اقول احسن شيء حصل لي في حياتي هو اللي حصل لي ده. هو اللي انا كنت فيه في الايام اللي فاتت دهيت. احد الشباب بيقول لي بيقول لي انا كنت يعني ما فيش بنت في المدينة اللي انا فاهمة - 00:20:01

السجاير يعني كنت اعتقد انها زي السكاكين اللي تحت جلدي. الوقتي كل ده ولا حاجة عنده. ولا شيء بالنسبة له. سبحان الملك الجليل. وفي نهاية قبلها بيوم ولا يومين. احدي الامهات الفاضلات تشوف رؤيا تشوف رؤيا اسأل الله ان تكون رؤيا صدق. وهي في الروضة المشرفة والنبي ييجي عليها عليه الصلاة والسلام. ويقول لها بشريهم - 00:20:11

بشار الدعاة اللي في هذا الفوج بشريهم ان ربنا تقبل. انها عمرة مقبولة باذن الله سبحانه وتعالى. وان ربنا تقبل تعبهم. بشريهم. وفي الرؤية ان الرسول فلم يقف ونصلي وراءه وراء النبي عليه الصلاة والسلام في الروضة. المكان اللي كان صحابة الرسول ممكن يقفوا يصلوا فيه. اسأل الله ان تكون رؤيا صدق. تخيلوا يا جماعة - 00:20:31

تخيلوا المتع اللي هناك. الرسول عليه الصلاة والسلام بيقول لك استمتعوا من هذا البيت. انا قاعد اقول متع متع متع. ايه الدليل انها متعة استمتعوا حديث صحيح. استمتعوا من هذا البيت فانه هدم مرتين ويرفع في الثالثة. استمتعوا! هو العبادة دي متعة -

00:20:51

ايوة زي ما عبدالله بن عمرو بن العاص قال للنبي عليه الصلاة والسلام يا رسول الله دعني استمتع من قوتي وشبابي. انا عايز اتمتع بشبابي في طاعة ربنا. انا مش عايز اتمتع بشباب - 00:21:11

المعاصي والشهوات واللهو اتمتع بها بالطواف وطاعة ربنا. الرسول عليه الصلاة والسلام كان يقول لربنا اللهم متعني بسمعي وبصري وقوتي. يعني ايه يعني خلوهم سلام لأ يا جماعة سلام دي. اللهم عافني في سمعي وبصري وبدني. ده ده دعاء ثاني. عافني في سمعي عافني في مصر. اومال ايه - [00:21:21](#)

وبصري وقوتي ده ده يا جماعة يعني افضل اطعك بهم يا رب. لغاية ما اموت. وفمن تمتع بالعمرة الى الحاج بالعمرة اه لان هو بيبقى فيه رخص ودود يا جماعة عشان العمرة وبعد كده يطوف ولما يحل وبعد كده يرجع يحج ثاني ويطوف ثاني متعة - [00:21:41](#) متعة يا جماعة فمن تمتع. مين فينا اللي عايز يستمتع ببيت الله؟ والرسول ما قلش استمتعوا بهذا البيت. استمتعوا مين؟ مين دي لما احط قدامك وليمة واقول لها خدي منها على قد ما تقدر. الوليمة اللي هناك في مكة مش موجودة في اي مكان ثاني على وجه الارض. يا ترى هيبقى نصيبك منها قد ايه؟ يا ترى هيبقى فتح ربنا عليك فيها في رمضان - [00:22:01](#)

اهو قد ايه! يا ترى يا جماعة هيفتح علينا فيها قد ايه! استمتعوا يا امة محمد من هذا البيت! فانه هدم مرتين ويرفع في الثالثة يعني ايه؟ يعني الحقوا ده فرصة قبل ما تروح. البيت ده هيترفع. الكعبة هتترفع. الكعبة والحجر الاسود هيرفعهم. ازا! تخيلي! تخيل لو انت مسافر مسلا سنتين ثلاثة فتقول له - [00:22:21](#)

والدتك بقى اكلك يا ست الحاجة اعلمي لي اعلمي لي مسلا اكل كثير اوي عشان اكل منه اصل انا هافضل سنتين ما اكلوش. استمتع بقى من اكل امك قبل ما اهو استمتع - [00:22:42](#)

من هذا البيت قبل ما يترفع. قبل ما بتلاقيش كعب اصلا. قبل خلاص ما الكعبة تزول من على وجه الارض ترفع الى الله سبحانه وتعالى. استمتعوا من هذا البيت متع متع نستمتع بها يا رسول الله. نستمتع بايه؟ اول متعة. استمتعوا بالدعاء. متعة الدعاء. ياه! انك رايع قاصد كريم - [00:22:52](#)

يا جماعة ربنا كريم اوي كريم. المتين مليار دولار اللي عند بيل جيتس من ربنا. والمليارات اللي كانت عند اناسيس من ربنا. والمليارات عند كل الملوك وكل الرؤساء وكل الاثرياء من ربنا. كريم كريم ممكن يدي بلا حساب سبحانه. استمتعوا. عمرك ما - [00:23:12](#) تعرف يعني ايه فاني قريب اجيب قديه هناك. عشان كده سيدنا ابراهيم عليه السلام ما بيزكرش في القرآن مع الكعبة الا وهو دايم ابراهيم مع الكعبة في القرآن بيقى دعاء. ربنا اني اسكنت من هذا من ذريتي بواد غير ذي زرع عند بيتك المحرم. ربنا ليقيموا الصلاة. ربنا - [00:23:32](#)

عن افئدة من الناس تهوي اليهم. ربي اجعل هذا البلد امنا. رب اجعل هذا بلدا امنا. ليه؟ لانه عارف ان دعاءنا مستجاب. ما فيش لحظة هناك تعدي من غير دعاء - [00:23:52](#)

وكل اللي دعا به ابراهيم رغم انه ادعية رهيبة. استجيبت فعلا يا جماعة. استجيبت فعلا. استمتع استمتع بدعاء ربنا. استمتع بدعاء المستجاب مجيب هو لولا ربنا مجيب. كان علمنا الدعاء المستجاب. لولا ربنا مجيب كان فتح لنا الاماكن المقدسة داهية. عشان نروح وندعيه - [00:24:02](#)

يجيب لنا هناك. لولا ربنا مجيب وكريم سبحانه وتعالى الحقي الحقي دوقي متعة الدعاء وانت بتطوفي حوالين الكعبة. دوقيا في حياتك ما تسوفيش. ما تأخرش قاتل المائة. اول ما العالم قال - [00:24:22](#)

نطلع على ارض الصحبة الصالحة ما تأخرش طلع. لو كان اتأخر يوم واحد كان ضاع. نفز نصيحة العالم نفز الوصية. يا جماعة اسعد ابن زرارة. ثاني شخصية السبب بعد مصعب ابن عمير في اسلام اهل المدينة مات بعد شهور من هجرة النبي عليه الصلاة والسلام. لو كان اتأخر سنة كان راح فين كان ضاع يا جماعة. ذي البجادين. لو - [00:24:37](#)

ما كانش ابتدر في الهجرة للنبي عليه الصلاة والسلام. كان مات لو كان اخر اسابيع كان مات من غير ما يشوف النبي عليه الصلاة والسلام. عايزين نبتدر. عايزين نلحق يا جماعة مش عايزين نأجل - [00:24:57](#)

عايزين نغير مش عايزين نسوف بقى كفاية بقى. كفاية تأجيل. لما الواحد بيطوف حوالين الكعبة انت رايع هناك ايام. فانت عايز تطوف وتصلي وتختم اهل مكة كثير منهم قاعدين في بيوتهم ما بيعملوش كده. فانت تستغرب جدا ليه؟ لان انت جاي يومين وبس.

يومين وبس فانت عايز تستغلهم. اهو انت لو اعتبرتني - 00:25:07

يومين وبس مش هتنامي من العمل الصالح. عايزين نفهم ان الدنيا دي يومين وبس. الدنيا كلها كده يبقى تأجي لي ليه؟ يبقى اتأخر ليه؟ رح اطلب ربنا كل اللي انت عايزه. متعة الدعاء. استمتعوا من هذا البيت. يا امة محمد استمتعوا من هذا البيت. نستمتع بايه -

00:25:27

استمتعوا بمتعة العودة للوطن. ازاي؟ ازاي اني ارجع لبيتي؟ ايوا. ازاي؟ واذ جعلنا البيت مثابة للناس. مثابة مش هيرجعوا تاني هيرجعوا فين يا رب؟ هو ده بيتنا يا رب! هو ده وطننا يا رب! يا جماعة مش ربنا اخذ العهد علينا كلنا واذ اخذ ربك - 00:25:47
بني ادم من ظهورهم ذريتهم. واشهدهم على انفسهم الست بربكم. عارفين ده كان فين؟ ده كان في مكة. في وادي عرنة في عرفات يا جماعة. كان في مكة مسافة للناس يعني انا رجعت لك يا رب. انا جيت تاني اهو يا رب. انا عرفت وطني ومكاني وبيتي يا رب.

استمتعوا بالمنافسة - 00:26:07

استمتعوا من هذا البيت. بالتنافس. كل وقت هتدخل في الكعبة هتلاقي الناس بتعبد ربنا ليل نهار. اي وقت هتفكري تعملي فيه اي طاعة هتلاقي الوف مؤلفة سبقتك. واحد جا لي في الحرم المدني قال لي انا اول مرة افهم يعني ايه - 00:26:27
اول مرة افهم يعني ايه عبيدك سواي كثيرون. اول مرة اعرف يعني ايه الكلمة دي؟ يعني ايه ان انا انا فين وسط كل دول! استمتعوا من هذا البيت. استمتعوا بالمنافسة بقى يا جماعة. استمتعوا من هذا البيت. استمتعوا من هذا البيت. استمتعوا - 00:26:44
الطواف تخيل وانت بتطوف كده المكان ده هو اللي كان ابن عمر بيتوب فيه وعروة من وبيقول انا عايز اتجوز بنتك ما ردوش عليه ما رضاش يرد عليه بعد قال له يا بني كنا نطوف ونحن نتخايل الله بين اعيننا. استمتعي وانت بتوه في المكان ده اللي لما الكعبة -

00:27:04

غرقت في السيل. عبدالله بن الزبير طاف سباحة عشان ما يبقاش حرم من الطواف. استمتعوا والمشهد اللي ما بيروحش من صدي مشى سيدنا موسى وهو قافل ودنه بايديه وبيجري على بيت ربنا الحرام وله جوار. جوار الى الله بالتلبية - 00:27:24
الى الله بيجار بكلمة لبيك اللهم لبيك. وانت بتطوفي وقاعدة تفكري الصحابي اللي كان لما ييجي مكة يطوف بعدد ايام عمره ليه؟ لانه عايش في كل يوم من حياته يلاقي في صحيفته يوم القيامة طواف حوالين بيت الله الحرام - 00:27:44
يبقى مرتبط حياته كلها وايامه كلها بالطواف. حوالين بيت الله الحرام. وانت بتطوفي. افتكري ان الجزاء من جنس العمل. ايوة يا جماعة. يطاف عليك بانية من فضة واكواب ويطوف عليهم ولدانهم خالدون. ليه الطواف ده؟ ممكن القيامة بيطوفوا بيطوفوا في الكعبة ويرجعوا يطوفوا ما بين محبة الله - 00:28:01

رضوانه سبحانه وتعالى استمتعوا بالطواف الجزاء من جنس العمل. سواء عند اهل الجنة او اهل النار. يا جماعة على قد ما هتشتغلوا على قد ما تاخدوا. يا اخواني احنا على مشارف - 00:28:21
خلاص خلاص هي قضية اسابيع. وشوية وهتبقى ايام وشوية وهتبقى ساعات. وشوية وهتبقى بنسابق الزمن في رمضان عشان نعبد ربنا. سبحانه وتعالى انا عايزك دلوقتي تبدأ تفوق تبدأ تعرف ان الدنيا شغل. حتى اهل النار الجزاء من جنس العمل. ربنا بيقول جزاء وفاقا. ها؟ في جهنم كانت مرصدة ليه؟ يا ما - 00:28:31

للمؤمنين. ذوقوا فلن نزيدكم الا عذابا. ليه؟ لانهم ما كانوا بيزيدوا الا كفر على كفر. كل حاجة. هل اتاك حديث الغاشية وجوه يوم اذا خاشعة مذلولة مكسورة زي ما كسروا. زي ما كسروا الصحابة زي ما حاولوا يهينوا الصحابة - 00:28:51
يومئذ خاشعة عاملة ناصبة. ليه؟ لان هم كانوا بيعملوا لغاية النصب في الدنيا في حرب الاسلام. يوم القيامة يبقى اشغال شقة مؤبدة في جهنم والعياذ بالله تصلى نارا حامية. ليه؟ ياما لبسوا بلال اذرع الحديد. يا ما كو رأس خباب بالسيف المولع نار لغاية ما يسقط مخشية عليه - 00:29:09

ياما كوههم بالنار ياما حطوا مكوة النار على عنز النيلة لغاية ما عمت عينها. رضي الله عنهم. تصلى نارا حامية زي النار العذب بها المؤمنين. تسقى من عين انية ياما كانوا بتجيبوا ام شريك ويشربوها عسل ويسيبوها تلت تيام مرميها في الصحرا عشان تموت من

العطش. تموت من العطش النهاردة هيسقوا بقى من عين - 00:29:29

اسود العطش اللي عطشوا فيه المؤمنين. ليس لهم طعام الا من ضريع. قصاص التجويع ثلاث سنين في الشعب يأكلوهم ورق الشجر. ويروى ان خديجة ماتت بسبب الجوع وتسقى من عين انية. ليس لهم طعام الا من ضريع. لا جزاء من جنس العمل. كل حاجة. ده في آيات النار. وآيات الجنة كل كلمة طواف يبقى - 00:29:49

عليهم ويطاف عليهم جزاء اشتغلوا يا جماعة. اشتغلوا يا جماعة. اجتهدوا يا جماعة. موسم الاجتهاد جه اهو. احنا خلاص على مشارف الاجتهاد احنا في اخطر شهرين في السنة الوقتي نهايات رجب وشعبان ورمضان. ده اخطر فترات السنة كلها. دي نقلة السنة كلها. يلا يا جماعة قوموا اجتهدوا يا اخواني - 00:30:09

استمتعوا من هذا البيت. استمتعوا استمتعوا بالحجر الاسود. لما تدخل كده وتشوف الحجر الاسود. الحجر الاسود قدامك اهو. ايه ده! ده حجر! ده حجر منين! حجر من الجنة! حجر من الجنة! الحجر - 00:30:29

الاسود ده! ده كان ايه في الجنة؟ الاسود ده كان ايه؟ كان حجر في نهر من انهار الكوثر. كان حجر في قصر من القصور حجر من المرجان ولا الذهب ولا كان - 00:30:43

ايه ده! وبقي كده ليه! بسبب الذنوب! الذنوب تخلي داء كده! الذنوب! يبقى احنا زنوبنا عاملة في حياتنا ايه! حياتنا اسودت بسبب الذنوب! حياتنا اثلمت بسبب طب الذنوب ليه ربنا نزل مع ادم؟ اشمعنى الحجر ده نزل مع ادم؟ سيدنا ادم كان في الجنة وبسبب معصية خرج من الجنة للدنيا. ربنا اراد انه يذكركه الجنة كان - 00:30:53

شكلها ينزل له حجر واحد من احجار الجنة. نزل له حجر واحد بس حطه قدامك يا ادم. قارن ما بينه وبين احجار الدنيا. قارن ما بينه وبين الدنيا. قارن ما بينه وبين الحياة - 00:31:13

كان ايه اللي يستاهل ان الواحد يفقد ده واياه التمن اللي يدفع عشان الواحد يرجع المكان اللي جه منه ده؟ واياه المقارنة ما بين الدنيا والاخرة عشان ما حدش يتفتن به - 00:31:23

يا جماعة الحجر الاسود بي فكرنا قد ايه زنوبنا خطر. خطر خطر على حياتنا. الحجر الاسود بي فكرنا بالجنة. ده جاي من الجنة. الجنة يا رب ده البداية. ده البداية في المكان ده والجنة. الجنة يا جماعة واجعلني من ورثة جنة النعيم. ايه الوراثة دي! الجنة فيها وراثة! ايوة ازاى! يا جماعة لو كل واحد - 00:31:33

مسلمين دخل الجنة وخذ مكانه في الجنة عارفين هيتبقى من الجنة قد ايه فاضي قد ايه فاضي يعني يا جماعة ده بعث النار نسبة دخول النار من تسعمية تسعة وتسعين في الالف. كل واحد منهم قبل ما ربنا يخلقه وخلق له مكان في الجنة. وهو اللي ابي وراح على جهنم والعياز بالله. بعد ما كل المؤمنين - 00:31:53

يدخلوا الجنة وياخدوا مكانهم. يفضل فاضي من الجنة تسعمية تسعة وتسعين في الالف اماكن دول. مين اللي هياخد ده؟ يعني برج كبير. سكنا في اوضة في شقة منه. مين اللي هياخد الباقي - 00:32:13

مين اللي هيورس الباقي؟ العلماء يقول لك من ورثة يعني مكان الكفار اللي ما دخلوش هذه الجنات. مين اللي هياخد الملك الرهيب عريض الواسع ده كلما رزقوا منها من ثمرة رزقا. قالوا هذا الذي رزقنا من قبل. كل ثمرة فيها شيء مبهر. كل ثمرة تشد نظرهم كل - 00:32:23

صبر فيها شيء عجيب. يعني ايه يا جماعة؟ يعني كل ثمرة فاكهة فيها جديد. كل ثمرة فجأة فيها حاجة مبهرة جديدة. مش كل قصر بقى. امال كل قصر. وكل طقم - 00:32:43

وكل شجرة وكل نعيم من نعيم الجنة المختلف ومقام من مقامات الجنة المختلف. يعني في الدنيا لما تدخل محل عصاير ولا فجأة تلاقي فاكهة مسلا حلوة طب واللي بعدها شرح واللي بعدها شرحه. شرحه في الجنة ما فيش شرحه. في الجنة ما فيش حاجة شبه حاجة كلها مبهرة ومذهلة. مين اللي يفرط في دي؟ الحجر الاسود - 00:32:53

استمتعوا من هذا البيت. استمتعوا بتذكر الجنة والنظر لقطعة منها في الحجر الاسود. استمتعوا يا جماعة متعة ايه! انت ماشي. تلمس

الركنن تتحط الخطايا. تطوف على الحسنات. تدعي تنزل الاجابات. انت ماشي. وسط المكان ده تصلي جنازة بميت الف صلاة تصلي سنة بميت - [00:33:13](#)

الف صلاة تصلي فريضة بميت الف صلاة. يعني لو قعدت عمرك من وانت عندك عشر سنين لغاية ما بقى عندك خمسة وستين سنة. تصلي كل يوم الخمس فروض جامع تلحق فرد واحد بس فيهم في الحرم - [00:33:33](#)

متعة ايه ؟ متعة ايه دي! مين اللي يضيع المتعة دي ويفرط فيها! استمتعوا! استمتعوا! استمتعوا بفتح الله في الحرم لما الواحد يبجي يسعى كده يفكر السيدة هاجر. السيدة هاجر كانت بتجري بتدور على الفتح. اول واحدة سعت المكان ده كله اصلا كان سمرة جهاد اسرة. اب وام - [00:33:48](#)

اب وام وابن صبر جهاد اسرة بزلت حياتها لربنا. المكان ده كله طلع. المكان ده كله بقى السيدة هاجر. وهي بتجري من الصفا للمروة. مستنية فتح عايزة شوية مية عايزة سعد في مكان والفتح جه في مكان - [00:34:08](#)

قعد في وقت والفتح جه في وقت ثاني. وساعات عشان سبب والفتح جه بسبب ثاني. ساعة ما بين الصفا والمروة. والفتح جه برة الصفا والمروة مش جواهم في زمزم ساعة سبع اشواط ما جاش وهي بتسعى. الفتح جه بعد ما قعدت وحطت ايديها على خدها وسمعت نشيخ اسماعيل. صوت حشرجة - [00:34:23](#)

صدره كانه بيحضر. سمعت انفتح هي ساعة بتسعى بتدور على الفتح. شوية ناس معديين يدوها مائة. المية جت من تحت الارض متفجرة يا جماعة الفتح هناك جاي جاي بس ما تعرفش فين وازاي وامتي؟ ما تعرفش لما تمشي كده وتبص للكعبة تفتكر ايه؟ تفتكر وازا فهو ابراهيم القواعد - [00:34:43](#)

من البيت. ابراهيم رفع البناء ده لله سبحانه وتعالى. انت رفعت ايه انت رفعت ايه؟ ايه البناء اللي انت رفعته لربنا؟ ايه الحاجة اللي انت رفعتها للاسلام؟ ايه؟ ابراهيم رفع ده ربنا رفعه البيت المعمور. بصمة - [00:35:03](#)

جه وهو ببني البناء ده لغاية الوقت محفورة هناك عليه الصلاة والسلام. كأن ربنا بيقول لكل واحد بيطوف لا يمكن اثر العمل لدين الله يروح ابدًا بصمته اهي اهي بصمة من بصمات ابراهيم في نصرة دين الله. فين بصماتك؟ فين بصماتك؟ ايه البصمة اللي انت هتموت - [00:35:19](#)

وتسيبها ايه يا جماعة؟ يا جماعة واحنا بنطوف هناك وينسعى هناك طوفان مشاعر يا اخواني. طوفان بالطوف والكون كله بيطوف حوايك. بتطوف وملايكة السابعة وحول العرش بيطوفوا معك. الكل بيطوف والكون بيطوف. استمتعوا من هذا البيت. استمتعوا - [00:35:39](#)

ومن كل حاجة في بيت الله الحرام استمتعوا بالعزة. عزة الاسلام ازاي؟ وانت داخل مكة كده لأ قبل ما تدخل مكة وانت بتطوف. وانت بتطوف المكان ده اللي خضك غير على النبي ويقول له يا رسول الله - [00:35:59](#)

تستنصر لنا. والمكان ده اللي حاولوا يقتلوا النبي عليه الصلاة والسلام فيه عليه الصلاة والسلام. والمكان ده اللي حاولوا يضربوا النبي وعثمان وابو بكر فيه. والمكان ده اللي رمو صلاة الجزور على النبي فيه. والمكان ده اللي خده قبيل - [00:36:12](#)

عشان يروحوا يقتلوه عند التنعيم فيه. والمكان ده والمكان ده. النهاردة واحنا داخلين يفتة كبيرة عند اول مكة. ممنوع دخول غير المسلمين. الله اكبر. ما فيش يافطة على وجه الارض زيها. غير اليافطة اللي على باب المدينة. طريق غير المسلمين وطريق المسلمين. ايه ده - [00:36:22](#)

ايه العزة دي! اول ما نزلنا في الفندق! ونزلنا نعمل عمرة مع بعض! تخيل بقى واحنا رايعين ماشيين في الشارع! لبيك اللهم لبيك! لبيك واحنا في الطائرة والطيارة كلها بتقول لبيك اللهم لبيك. انت رايع تترجي من الطلبية. تخيلوا ايه العزة دي! في مكان على وجه الارض ممكن نمشي فيه - [00:36:42](#)

في الشارع ليل نهار نت. لبيك اللهم لبيك كده. فيه مكان على وجه الارض كده يا جماعة! تخيلوا يا جماعة العزة! استمتعوا بعزة الدين استمتعوا من هذا البيت. استمتعي من هذا البيت. اعلمي اي حاجة وحج مع رسول الله. اعمل اي حاجة وحج مع رسول الله صلى الله

عليه وسلم. اعلمي اي حاجة وروحي - 00:37:02

ارفعني ايدك مع اللي رافعينها الوقتي هناك اعمل اي حاجة وروح اسعى مع الصفا وبين الصفا والمروة. زي اللي بيسعوا الوقت اهو. حالا اهو وانت قاعدة تسمعي وانا قاعدة اتكلم. هناك ناس كاملة معه نزلت من خشية ربنا - 00:37:23

كم جامع التوسل والرجاء؟ ورجاء في رحمة ربنا العظيم. ربنا رحمها واجابها هناك. كم يا جماعة؟ ملك هناك في مكة والمدينة كم؟ استمتعوا استمتعوا بلبس اقدس لبس على وجه الارض كلها. لبس الاحرام اقدس لبس واشرف - 00:37:36

لبسه اعظم لبس استمتعوا من هذا البيت استمتعي استمتعي بزمزم. متعة زمزم. متعة شرب زمزم. احد مشايخنا ربنا يبارك فيه يا رب. احد مشايخنا راح هناك. وكان الاطباء من الحالة المرضية - 00:37:56

كتبوا له علاج كيماوي ياخذ علاج كيماوي. راح هناك قعد اربعين يوم. اربعين يوم عايش على زمزم وعلى التمر. اربعين يوم رجع هنا ما شاء الله لا قوة الا بالله. ولا اي - 00:38:11

شيء بفضل ومنة الله سبحانه وتعالى. استمتعوا بزمزم استمتعوا بمعجزات الشفاء بسبب زمزم. استمتعوا بالتضلع من زمزم. والتضلع من الطواف والتضلع من بيت الله الحرام. استمتعوا كل حاجة الدعاء والفتح والتنافس. واستمتعوا بالعودة للوطن مرة ثانية مثابة

للبيت. ربنا يقول واذا جعلنا البيت - 00:38:21

مثابة للناس. وربنا يقول جعل الله الكعبة البيت الحرام قياما للناس. قيام هتقومك. هتقومك يا اللي في غيبوبة يا اللي انت في غيبوبة لسة يا اللي انت في غيبوبة رح عشان تقوم عشان لما تلاقي الدعاء يقول لك قم يلا قومي تقدر تقوم تقدر تقف - 00:38:46

على رجلك تنصر دين ربنا. عشان لما ربنا يقول لك قم الليل قم فانذر. تقدر تقوم. طب ليه؟ قياما للناس ليه؟ اول حاجة لان اكثر حاجة بتشيل للناس وبتقدهم ذنوبهم ذنوبنا اكثر حاجة مقعدانا. هناك الزنوب بتحط فترجع قائم لله. اكثر حاجة بتشيل للناس ايه؟

الفقر فقير مش - 00:39:06

اتحرك مش قادر اطلع مش قادر اعمل حاجة فقير. حتى كلمة فقر من كسر العمود الفقري فيجب شلل في الجسم كله. فقير هناك بيحط الفقر كمان قياما للناس بعض العلماء قال اي تقويما للناس. هيقوم اعوجك. هيقوم قلبك. هيقوم قلب جوزك. هيقوم عواج

ابنك او بنتك - 00:39:26

قياما للناس واذا اظلم عليهم قاموا اي وقفوا. قياما للناس واقفة. فرصة للوقفة. فرصة انك تقف مع نفسك وتعيد حساباتك. انا جاي منين ورايح فين وايه اللي انا بعمله ده وما ينفعش استمر اكثر من كده. قياما للناس يا جماعة - 00:39:46

ربنا ليقيموا الصلاة. بتروح تقيم الصلاة فرنا يقيمك. على قد ما هتقيم الصلاة ليه؟ على قد ما يقيمك. قياما للناس يعني واحد كان في غيبوبة وقام قيما للناس يعني اقامة لدنيتهم ولمعاشهم ولحياتهم. لانهم اقاموا الصلاة هناك فرنا يقومه. معاني كتير اوي اوي

اجعل - 00:40:02

من الناس تهوي اليهم. تهوي دي فيها معنى السقوط. وقياما فيها معنى القيام بتروح لربنا خلاص مش قادر يا رب. ربنا يقيمك ويرفعك ويعليك يا وفد الرحمن المنتزر في رمضان. يا قوامين حوالين بيت الله الحرام في رمضان. يا اللي ربنا هيصطفي دموعكم من وسط

دموع البشر - 00:40:22

عشان تنزل على ارض الحرم في رمضان. يا اللي ربنا هيصطفي هيصطفي بكم من وسط البشر عشان تشرب زمزم من هناك في رمضان. يا اللي ربنا هيصطفي رجلكم عشان تسعى مكان رجلين هاجر. بين الصفا والمروة في رمضان. يا اللي ربنا هيصطفيك

وعشان تستمتعوا. استمتعوا من هذا البيت - 00:40:42

وحتى المدينة اللي ربنا دعى لها بالبركة ضعفيه مكة استمتعوا يا جماعة يوم ما زرنا يوم ما زرنا شهداء احد يا جماعة والوفد كله الدنيا كانت بتضج بالبكاء. اللي تاب. واللي رجعت لربنا. واللي قررت تلبس نقاب واحنا واقفين. على يميننا سبعين شهيد من شهداء

احد. على يميننا يا جماعة - 00:41:02

بعين رضا من رياض الجنة. على يميننا ناس اتقطعت. حمزة هيبجي يوم القيامة طالع من الحنة دي. شاييل كبده وهو رايح للنبي.

ومصعب هيطلع وهو شاييل ايديه الاتنين ورايح النبي وعبد الله ابن الجحشايد هيطلع وهو شاييل جسمه اللي اتقطع في واحد وهو رايح للنبي وانت هاتي لي ايه؟ وانت هتشيل ايه؟ جبل الرماة لما نزل من عليه اربعين - [00:41:22](#)

اتهزمننا في احد. اربعين واحد عصوا ربنا حصلت الهزيمة. والمليار وميتين مليون واحد اللي بيعصوا ربنا دول. هيفوقوا امتي وهيقوموا امتي ارجعوا لربنا امتي سبحانه وتعالى؟ واحنا واقفين لما كان في جنازة الفجر والواحد قام قال يمشي وراها لغاية قبور البقيع طلع تاج رحافي ورا الجنازة - [00:41:42](#)

يا جماعة انا نفسي اتقطع. الجنازة بتجري. انا حاسس الناس مش شاييلين حاجة رغم ان النعش كثير جدا. الناس بتجري بتجري الجنازة. الواحد نفسه اتقطع. واول ما دخلت لقيت نفسي حوست عشر تلاف صحابي مدفونين في المكان ده. عشر تلاف صحابي قتلوا نفسهم في عملية ربنا. عشر تلاف من اطهر البشر - [00:42:02](#)

على وجه الارض مدفونين في الحطة دي. الواحد حس انه مكسوف وبعد كده قال بيت رسول الله مدفونين في المكان ده. اطهر خلق الله رضي الله عنهم جميعا بعد كده دخلنا القبر الشرعي اللي في السعودية قبر يربعك. بارتفاع جسم الدفان واقف. جه الكوبري مغطيه. يعني هو جواه. وديق جدا - [00:42:22](#)

وبعد ما حفر القبر يحفر بالجانب حفرة تانية. يدخل الجسة فيها ويقفل عليها بالطوب. وبعد كده يردم الاتنين متر دول. قلت ايه ده! ايه الغفلة اللي احنا فيها دي! عايزين - [00:42:42](#)

يا جماعة استمتعوا استمتعوا بالوقوف قدامكم. قبر رسول الله صلى الله عليه وسلم. احنا ما بنروحش هناك زيارة للقبر ابدًا. احنا بنروح زيارة لمسجد النبي عليه الصلاة والسلام. وما دام زرنا - [00:42:52](#)

مسجد عند قبر النبي عليه الصلاة والسلام. لان العقيدة اهم حاجة. عقيدتنا واتباعنا في سنة رسول الله صلى الله عليه وسلم اهم حاجة. واقف قدام النبي. يا ترى فيك مسافة قد ايه بينك وبين قلبه - [00:43:02](#)

بينك وبين سنته انت قريب منه الوقت بس في جسمك. انما يا ترى بقلبك يا ترى بقلبك يا ترى بهمك؟ يا ترى بصحيفتك بينك وبين قد ايه يا ترى بجهدك بينك وبين مقامه في الجنة قد ايه؟ هتتحرمي من رؤية النبي في الجنة؟ هتتحرم من صحبته في الجنة ازاى؟ - [00:43:12](#)

رسول الله صلى الله عليه وسلم. استمتعوا من هذا البيت يا رب يا رب ارزقنا عمرة في رمضان يا رب لا تجعلنا من المحرومين يا رب - [00:43:32](#)

عمرة في رمضان كحجة معي. يعني العمرة لما تحط معها رمضان بقت حجة. امال رمضان بقى سوابه في باقي النوافل شكلها ايه العمرة بقت حجة ثواب حجة معي مع رسول الله صلى الله عليه وسلم. تخيلوا سواب الصحبة ده شكله ايه! تخيلوا يا جماعة جو الحرم في رمضان. الناس اللي بتتغلب - [00:43:47](#)

حياتها وتغير في رمضان. فرصة يا جماعة ان احنا نطلع وان احنا نقوم الوقت يقول لك يقول لك يا عم ده اللي بيروح العمرة يا عم. بيوقفه في المطار ويبهدلوه فين؟ والله يا جماعة لو - [00:44:08](#)

انا في داخل ولا في خارجة وكل الكلام ده اوهام. يقول لك يا عم ده هناك خطر يا عم انفلونزا الخنازير ايه يا جماعة! يا جماعة نسبة انفلونزا الخنازير في السعودية ممكن اقل دولة في العالم الاسلامي - [00:44:18](#)

كله. يعني اللي عايز يروح لمكان امن يهرب للسعودية. يا جماعة ده وفد الرحمن. نتكلم. فين اليقين؟ الوقتي لو واحد عنده شلل. ما يقولش يا رب اشفيني ليه فين اليقين؟ لان اهل الاسباب قالوا ما ينفعش. اهل الاسباب بيقلوا ما ينفعش يبقى ربنا ما عدش يقدر! هي الاسباب دي ربنا عملها عشان تحكم. تحكم البشر ولا تحكم قدرة الله سبحانه وتعالى - [00:44:28](#)

اللي اتعمى ما يقولش يا رب يا سلام! اللي جاب السرطان ما يقولش يا رب يا حبيبي اللي في اولى كلية وابوه فقير وهو فقير. وعايز يتجوز ما يقولش يا رب! ده من - [00:44:48](#)

معاني قول ربنا ولا تحملنا ما لا طاقة لنا به. بعض السلف قالوا من معانيها اللي عايز يجوز يدعم الاية ده. يدعم الاية دهيت طالب

مش طالب فقير غني قل يا رب قولوا يا رب يا جماعة. قولوا يا رب. يلا يا جماعة. يلا نقوم يا جماعة نحج مع رسول الله صلى الله عليه وسلم. ما حدش يفوت الفرصة دي. مع اي حد مع - [00:44:58](#)

اي شركة يكون فيها داعية طبعا على الشرط اللي احنا عاملينه باذن الله ان لازم حدد الله عن ربنا. وحد يتابعنا هناك. واحد يهتم بنا هناك نروح يا جماعة هناك. نروح نتضلع من بيت الله الحرام. نروح نقرب من ربنا سبحانه وتعالى. والا اللي خايف ده ييجي يوم القيامة يقف قدام رسول الله على الحوض يقول له انت ما رضيتش - [00:45:18](#)

تروح ليه؟ ليه؟ ولما تقف قدام ربنا في العرض على الله. انت خفت تجي لي؟ انت خفت تيجي حوالين بيت الحرام خوفوك. المرجفين خوفوك. المرجفين بيخوفوكي المرجفين اللي في ميزانهم كل واحد خاف يروح هناك خوفوه. والملايين اللي بيروحوا هناك ويبطوفوا. ما خافوش ليه؟ اشمعنى انتم اللي خفتم - [00:45:38](#)

اشمعنا دول بخفتهمش انتم عارفين ليه؟ ده مش لانك انت خفت ده لان انا ما اخترتكش في الدنيا. ده لان انا ما اخترتكش في الدنيا. ده كان حرمان وانت ما كنتش عارف. ده كان - [00:45:58](#)

ايمان وانت ما كنتيش واخدة بالك. اللي عايز ربنا يختاره يروح يا جماعة. ما يخافش يا جماعة يروح لربنا. اقبل ولا تخف على بيت الله. حج بقى رسول الله ايام - [00:46:08](#)

ايماننا في الجنة كنت بحاول اكلمكم عن ايام الواحد في الجنة. وايماننا في الجنة. ايام الجنة الحلوة الجميلة اللي عشناها في رحاب جنة مكة والبداية. المكان الوحيد اللي فيه حنة من الجنة - [00:46:20](#)

على وجه الارض المجدينة. والمكان الوحيد اللي فيه حجر من الجنة على وجه الارض مكة. انتم مستنيين ايه! مستنيين ايه! قومي! قوم! قوم ياللا على بيت الله الحرام! شف اتصرف اعلمي اي حاجة. ولكن من الوقت بكرة ان شاء الله يا جماعة. بكرة بازن الله نجري. على بصوا يا اخواني يعني باذن الله سبحانه وتعالى الواحد طالع في في رمضان - [00:46:30](#)

بازن الله عمرة. ولكن والله العزيز يا جماعة يعلم الله. يعلم الله سبحانه وتعالى. يعني الواحد لا يعلن عن هذه العمرات والله العظيم. الواحد يعني انا مش هقول لكم ما بناخدش فلوس. ده انا هاقول لكم ان احنا مديونين لغاية دلوقتي من العمرة اللي فاتت -

[00:46:50](#)

مديونين احنا لغاية دلوقتي من العمرة اللي فاتت عشان مريض سرطان يطلع عشان مريض كذا يطلع عشان واحد يعني يعني عنده عذر شديد يطلع عشان واحد مش لاقى وهيموت عشان يطلع مديونين من العمرة اللي فاتت ومع ذلك يعني مش مش قضية لا يا اخواني دي رسالة. دي قضية اني لكم رسول امين - [00:47:05](#)

نحن لكم دعاء اماناء على دينكم. عايزينكم تزيديا وتقربوا من ربنا سبحانه وتعالى. والله يا اخواني الواحد لما كان بيروح لوحده كان يعني مشاعر جبارة ولكن سبحان الله! يعني الواحد هيشوف نفسه والناس تضيع! ما ينفعش يا جماعة! عشان كده باذن الله سبحانه وتعالى - [00:47:25](#)

انا عايز ان شاء الله ان احنا نعمل العمرة دي باذن الله سبحانه وتعالى. تصلب اي حد من ضمنها احنا طالعين باذن الله سبحانه وتعالى. شيخ امين والشيخ مسعد انور. بازن الله يبقى فيه دروس يومية - [00:47:44](#)

وفيه درس قبل العمرة كده بازن الله يعني فيه حاجات جميلة كده والعمرة تتعامل مع بعض بازن الله. يعني انا مش هابقى موجود كل ايام العمرة فيها. لان طبعا انتم عارفين دروس رمضان - [00:47:54](#)

انتم عارفين ظروف رمضان ولكن ابقى موجود فيها باذن الله سبحانه وتعالى. يعني هاجي فيها ان شاء الله وهابقى في جزء منها بازن الله سبحانه وتعالى. والجزء اللي ابقى موجود فيه بازن الله. يعني - [00:48:04](#)

نبقى مع بعض فيه بقى في الدروس والعمرة مع بعض بازن الله سبحانه وتعالى. حج مع رسول الله. حج مع رسول الله صلى الله عليه وسلم ما حدش يضيع الفرصة ديت هيبقى فيها ان شاء الله بازن الله على الاقل حتى الان بازن الله خمس اماكن لمرضى

السرطان والفشل الكلوي يعني زوي الظروف المرضية الخاصة بازن - [00:48:14](#)

سبحانه وتعالى عشان ما يبقاش احنا طالعين وسايبين الناس ديت لأ. بازن الله سبحانه وتعالى لازم لازم كلنا كده نحاول ان الامة كلها ما من الثواب ده وما من الفضل العظيم ده بازن الله سبحانه وتعالى - [00:48:33](#)

يعني اه يعني خلاص يعني كده تقريبا شبه اعلنا عليها. الرقم بتاعها اعتقد انكم هتلاقوه في اه يعني في حاجة كده مع الحلقة او يعني الله اعلم هيبقى طريقته ايه بازن الله. ولكن يا اخواني هذه بازن الله يعني اشهد الله انها لوجهي. واشهد الله انها ممكن تكون خلاف هوى الواحد. تماما. تماما تماما - [00:48:49](#)

ولكن ربنا اغلى عندنا من حياتنا. وربنا اغلى عندنا من روحنا والله يا جماعة. وكل ما ترك من اجل الله سبحانه وتعالى لا شيء في ذات الله. ولا شيء في جنب الله. واي - [00:49:09](#)

الواحد سبعة عشان ربنا سبحانه وتعالى ولا اي حاجة في ذات ربنا سبحانه وتعالى وفي جنب ربنا. الواحد يتمنى والله العظيم. والله يا اخواني لو دعا ربنا زي عبد الله ابن - [00:49:19](#)

ان ربنا سبحانه وتعالى يميت الواحد وهو مقطوع الانف مجدوع الاذن. يعني مبكور البطن ممزق تحت من اجل الله سبحانه وتعالى ومن اجل ربنا ومن اجل نصرة دين ربنا ومن اجل رضا الله سبحانه وتعالى. والله العظيم يا اخواني اشهد الله ان الواحد لا يتمنى غير انه يموت مبزق عشان ربنا سبحانه وتعالى - [00:49:29](#)

يوم القيامة قدام ربنا كده لقي نفسه متقطع فربنا يقول عبدي لمن فعل بك هذا. فاقول فيك يا رب بك يا رب احنا عايشين عشان ربنا وبس. ما فيش لنا في حياتنا هدف غير ربنا بس مش تزكية. بس دي الرغبة اللي الواحد حاسسها في قلبه. ودي الرغبة اللي الواحد حسها من اخوانه. عايزين عشان - [00:49:51](#)

ربنا وعشان الناس تعرف ربنا وعشان الناس تعبد ربنا قبل الحلقة والواحد بيصلي ركعتين الواحد ما كانش قادر يمسك نفسه من البكاء. نفسي. نفسي الناس كلها تروح تعمل تحج وتعتمر وتعبد ربنا وتسجد لربنا. وتعرف ربنا وتحب ربنا - [00:50:10](#)

مش عشان ربنا سبحانه وتعالى مهما كان التمن. مهما كان التمن من حياة الواحد مهما كان التمن من جهد الواحد. مهما كان التمن من كل انسان ام يناضل من اجل دين ربنا - [00:50:26](#)

في الامة عايزين تقوموا بقى يا شباب قوموا بقى جعل الله الكعبة البيت الحرام قياما للناس عايزين تروحوا عشان تقوموا بقى. تقومي تنصري دينك. تقوم تنصر دينك. تقوموا تعملوا حاجة للاسلام. تقوموا تفوقوا الناس عشان كلنا نلحق الفردوس الاعلى - [00:50:36](#)

بازن الله تقوموا عشان نلحق شربة من ايد النبي عليه الصلاة والسلام على الحوض عايزين رمضان الجاي يكون رمضان جديد. يعني انا من النهاردة يا اخواني المفروض ان انا بدأت سلسلة فعليا. ولكن يعني الموضوع ما يعني اللي هي سلسلة رمضان جديد - [00:50:53](#)

ازاي رمضان الجاي يبقى رمضان مختلف عن اي حاجة حصلت. واي رمضان جه ويبقى بداية جديدة مع ربنا سبحانه وتعالى. ومن اكثر الحاجات اللي ممكن تخليه رمضان جديد عمرة في بيت الله الحرام في رمضان بازن الله سبحانه وتعالى - [00:51:09](#)

اللهم لك الحمد كله ولك الملك كله وبيدك الخير كله واليك يرجع الامر كله. لبيك يا ربنا لبيك يا ربنا لبيك يا اللهم اخلصنا لك. اللهم اجعلنا مخلصين لك. مخلصين لك. سلما لك. اللهم اجعلنا من جندك المخلصين - [00:51:24](#)

اللهم لا تجعل في قلوبنا الاك. ولا تجعل في حياتنا الاك. اللهم لا تجعل سعينا الا لوجهك. اللهم يا رب نرضى عنا فان لم ترض عنا فاعف عنا اللهم يا رب ارض عنا. فان لم ترضى عنا فاعف عنا. اللهم يا ربنا ارض عنا. فان لم ترض عنا فاعف عنا - [00:51:44](#)

رضاك يا رب. غفرانك يا رب. اغفر لنا وتب علينا يا رب. ارحمنا يا رحمن يا رحيم يا رب اللهم اعصم جوارحنا من ان تعصيك. اللهم تب علي توبتك. لا نرد على اعقابنا بعدها ابدا. اللهم انا نسألك الهدى والسداد - [00:52:08](#)

اللهم اجعلنا نطلق اليك كسداد السهم يا رب العالمين. يا رب يا رب اخلص اعمارنا لك وجهنا وجوهنا اليك. واخلصنا اعمارنا لوجهك الكريم فتقبل منا وتب علينا وافتح علينا وانصرنا واحفظنا واغفر لنا وارحمنا واهدنا - [00:52:27](#)

وعافنا وارزقنا وارفعنا. يا رب ما لناش غيرك يا رب. ما لناش غيرك يا رب. ما لناش الك يا رب. اغثنا يا رب انقذنا من انفسنا يا رب.
اعنا على انفسنا يا ربنا نتوسل اليك. لا ياتي رمضان فيفتح على عبادك ونكون من المحرومين - [00:52:47](#)
لا يأتي الثلث الاخير فيفتح على عبادك. ونكون من النائمين. لا يأتي لا تأتي الايام. فيفتح على عبادك بالصيام ونكون من المفتريين يا
رب يا رب لا يفتح على عبادك بالجهد والطاعة. ونكون من المتخاذلين يا رب. يا رب املاً املاً حياتنا بما ملأت به. حياة - [00:53:07](#)
امر قلوبنا بما امرت به قلوب الصديقين. يا رب اعزنا بطاعتك. اهدنا اليك صراطاً مستقيماً يا رب يا رب بلغنا رمضان واجعله فتحاً
علينا وعلى الامة. يا رب بلغنا رمضان على اتم ما ترضى به - [00:53:31](#)
واجعله فتحاً علينا وعلى الامة يا رب يا رب وسدد كل الدعاء اليك فيه يا رب. وافتح على الامة بالهداية والنصرة فيه يا رب يا رب
العالمين برحمتك يا ارحم الراحمين - [00:53:51](#)
اقول قولي هذا واستغفر الله لي ولكم سبائحك اللهم وبحمدك اشهد ان لا اله الا انت استغفرك واتوب اليك يا نفس - [00:54:08](#)